



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 3. Hæc pacta a Pontifice rata habita, ejusdemque Diploma hanc in rem editum.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

sæcul. XVI. niat. Denique X. Carporum oppidum
A. C. 1598. ad Episcopalem honorem evehatur.

§. III.

*Hæc pacta a Pontifice rata habita
 ejusdemque Diploma hanc in rem
 editum.*

Bull. tom. 3. **H**æc pacta utrinque sancita per Depu-
Const. 52. tatos quanto cyus Romam ad sum-
 mum Pontificem deferebantur, qui et-
 iam coacto Purpuratorum Senatu sin-
 gula rata habuit, gaudiumque ex hac
 pace conceptum obortis etiam lacrimis
 palam testatus est, non tam ob recupe-
 ratam hanc ditionem, indeque auctam
 Sedis Apostolicæ potentiam exultans,
 quam quod *absque ulla sanguinis effusione*
 belli flammæ in media Italia exortæ
 tam feliciter extinctæ fuerint, & quidem
 eo tempore, quo potius Christianorum
 arma in Turcas, quam in filios conver-
 tere publica necessitas deposcebat: qua-
 propter die decima nona Januarii in se-
 creto Patrum Senatu solemniter hanc
 ditionem ad Sedem Apostolicam esse
 devolutam, eique pleno jure adjunctam
 declarabat, edito hanc in rem diplo-
 mate sequenti: *Quoniam per obitum Al-*
phonsi Estensis Ferrariæ Ducis, Ducatus,
Et Status Ferrariæ, cum omnibus civita-
tibus, terris, castris, fortalitiis, portubus,
locis,

Seentl. XVI.
A.C.1598.

locis, membris, jurisdictionibus, juribus, ac aliis annexis, & connexis, de quibus a Sede Apostolica, & suis Prædecessoribus Romanis Pontificibus idem Alphonsus, sive ejus Antecessores investiti fuerunt, seu alias quomodolibet illos, & illa a Sede præfata tenuerunt, & habuerunt, ad eandem Sedem, & Cameram suam Apostolicam, tum ex forma investiturarum, seu aliarum concessionum de eis factarum, tum vigore Constitutionis felicis recordationis Pii Papæ quinti Prædecessoris editæ sub datum quartis Calendis Aprilis anno Incarnationis Dominicæ millesimo quingentesimo sexagesimo sexto, Pontificatus sui anno secundo, reversi, & reversa, & devoluti, ac devoluta existunt, & utile eorum dominium cum directo consolidatum est, etiam absque aliqua alia ulteriori acceptione, declaratione, ac possessionis apprehensione, & alias juxta præfatam constitutionem Pii V, ad quam in omnibus & per omnia, & in omnibus ejus partibus relationem haberi voluit, nihilominus pro potiori cautela, & jura juribus addendo, & Constitutioni inherendo, de Venerabilium Fratrum suorum S. R. E. Cardinalium consilio pariter, & assensu Statum, & Ducatum prædictum cum omnibus civitatibus, terris, castris, fortalitiis, portibus, locis, membris, & aliis annexis, & connexis, per obitum præfati Ducis Alphonsi, seu alias

R 5

ad

Sæcul. XVI. ad eandem sedem devolutum, & devoluta
 A.C. 1598. & utile illorum dominium cum directo
 consolidatum esse declaravit, & hujusmodi
 reversionem, devolutionem, & utilis cum
 directo dominio consolidationem acceptavit
 ipsumque Ducatum, & Statum Ferrariae
 cum omnibus supra dictis, & Sedi Apo-
 stolicæ, & Camere reversum, unitum, &
 incorporatum esse, ac censi decrevit, &
 declaravit omni meliori modo. Et quod
 tenus opus sit, eundem Ducatum, & Sta-
 tum de novo eidem sedi, & Camere uni-
 vit, & incorporavit, & dispositioni Con-
 stitutionis præfatæ Pii V. subjacuisse, &
 subjacere, similiter decrevit, & declaravit,
 Deoque Omnipotenti, Beatæ Virgini, ac
 SS. Apostolis Petro, & Paulo, perpetuo
 tribuit, & dedicavit. Ut vero de firma
 ejus voluntate magis adhuc constaret,
 rursus die undecima Februarii hoc anno
 sequentem declarationem divulgari præ-
 cepit: Sanctissimus in Christo Pater, &
 Dominus Noster D. Clemens divina provi-
 dentia Papa Octavus Dixit, Ducatum,
 & Statum Ferrariæ jam fuisse recupera-
 tum, idque sola Dei Omnipotentis miseri-
 cordia factum esse, & propterea illi ingra-
 tes esse gratias agendas, præsertim cum id
 absque ulla sanguinis effusione contigerit.
 Et iterato ut magis emixtam, & explora-
 tam ejus voluntatem ostendat, jura juribus
 addendo, Ducatum & statum præfatum,
 omnes

omnesque illorum redditus, eidem Sedi, & ^{Sæcul.XVI.} Camera Apostolica univit, & incorporavit, & dispositioni Constitutionis Pii V. ^{A. C. 1598.} editæ sub datum quartis Calendis Aprilis, Pontificatus sui anno secundo, subjacuisse, & subjacere similiter decrevit, Deoque Omnipotenti, Beatæque Mariæ Virgini, & SS. Apostolis Petro, & Paulo, quorum ope id factum fuit, perpetuo addixit, & consecravit.

§. IV.

Solemnis, festusque Aldobrandini in urbem ingressus.

Rebus omnibus ita feliciter compositis ^{Thuan. l. 2.} Aldobrandinus Cardinalis præstituta die Pontificis nomine urbis possessionem adibat, ubi eidem una cum quinque peditum millibus, ac mille Equitibus accedenti Ferrariensis Nobilitas sexto ab urbe lapide obviam procedebat: insuper Episcopus unacum universo Clero, & viginti quatuor primæ Nobilitatis adolescentibus usque ad urbis portam progressus est: adventante autem Cardinale primi in civitatem admittebantur pedites, quibus commoda assignabantur stationes: postea vero Equitatus in binis amplioribus plateis ante Ecclesiam Cathedralem, arcemque suo ordine disponebantur: porro ubi ipse Aldobrandinus portam præ-